




Todalen Grendalag
-for kvar ei grend

ÅRSMELDING 2019

Org.nr.: 921 156 073 NO

ÅRSMELDING 2019

Då har tida kome for å gjere opp status for det første heile driftsåret for Todalen Grendalag. Aktiviteten har vore god gjennom heile året. Vi har nedanfor teke for oss alle prosjekta og sakene vi har arbeidd med i 2019.

Årsmøtet:

Todalen Grendalag sitt første årsmøte vart halde i Todalen ungdomshus torsdag 4.april. Det var 16 personar som møtte opp. Styret fekk følgjande samansetting:

- Leiar: Bjørn Gunnar Ansnes (2 år)
- Kasserar: Jostein Brusset (1 år)
- Sekretær: Maria Hagerupsen Halle (2 år)
- Styremedlem: Øystein Moe (1 år)
- Styremedlem: Karin Halle (2 år)
- 1. vara: Ola Haugen Ansnes (2 år)
- 2. vara: Jo Gjeldnes (1 år)

Årsmøtet ønskte at styret skulle prioritere å arbeide vidare med følgjande saker:

- Skaffe oversikt over byggeklare bustadtomter
- Opprydding på Holmen etter Dagmar
- Badeplassen ved båthamna
- Campingplassen på Bordholmen

Vi kjem attende til desse sakene seinare i årsmeldinga.

Styret:

Det har vore 6 styremøte i løpet av 2019. I tillegg sit Bjørn Gunnar i prosjektgruppa for «Porten til Trollheimen» Det gjer og Karin, men ho representerer der Surnadal kommune. Styret vedtok på sitt styremøte 9.april 2019 å bli medlem av todalen.no, noko som vart ordna omgåande. Delar av styret har vore med på forskjellige komitémøte i samband med ulike aktivitetar og arrangement vi har vore med på gjennom året.

Logo:

Noko av det første styret gjorde etter årsmøtet var å lage ein logo. Vi tykkjer resultatet vart særst bra og er godt fornøgde med den!

Bustadtomter og utleigebustadar:

Grendalaget har gjennom heile året arbeidd aktivt med saka. Bjørn Gunnar hadde 30.august møte med Surnadal kommune om bygging av kommunale utleigebustadar og kommunalt bustadfelt. Men vi må nok konstatere at eit kommunalt engasjement for å få til dette ligg ganske langt fram i tid. Når det gjeld bustadfelt arbeider kommunen aktivt med dette, men dette ligg nok og litt fram i tid.

Elles har vi skaffa oss ganske god oversikt over allereie byggeklare tomter rundt om i bygda og over private utleigebustadar.

Badeplassen ved båthamna:

20.mai hadde Jostein, Øystein og Bjørn Gunnar møte med grunneigarane på Kvennset med tanke på å få til ein leigeavtale for badeplassen ved båthamna. Vi vart samde om å ta ei prøvedrift i 2019 og lage ein meir utfyllande avtale frå og med 2020. Dette arbeidet er under arbeid.

Vi leigde toalett frå Letthus i Rindal i perioden primo juni til primo august. Dette vart montert 22.juni. I tillegg ordna vi med søppeldunkar for restavfall og eingongsgrillar. Området ved badeplassen vart rydda og graset slått. Vi gjorde ein avtale med Båtforeninga om at dei resten av sommaren slo graset på badeplassen samstundes som dei slo graset ved båthamna.



Frå arbeidet med montering av toalett og grasklipping ved badeplassen 22. og 24.juni

Toalettet og søppeldunkane vart tekne bort 20.august. Vi reknar med å ha på plass eit identisk opplegg for åra framover. Nokre av benkane Grendalaget eig vart også sett hit. Vi fekk mange positive tilbakemeldingar på tiltaket, så dette var eit positivt tiltak. Grendalaget hadde rundt 5.000,- kroner i utgifter på å drive badeplassen. Badevatnet har vorte kontrollert 2 gonger i løpet av våren/sommaren og er av bra kvalitet.

10-årsjubileum todalen.no:

Grendalaget var med som komité under 10-årsjubileet til todalen.no som vart arrangert i Todalen ungdomshus 10.august. Grendalaget hadde hovudansvaret for sal i baren, men bidrog også litt med anna arbeid før, under og etter jubileumsfesten. For Grendalaget vart det omtrent akkurat 3.000,- kroner i overskott.

Julebord:

23.november arrangerte Grendalaget samen med idrettslaget julebord for Todalen i Todalen ungdomshus. Litt over 50 personar meldte seg på og deltok på julebordet. Grendalaget og idrettslaget delte overskottet, og det vart rundt 4.500,- kroner på kvar. Dette er eit arrangement vi tek sikte på å halde fram med i åra som kjem.

«Julegate»

Å sette opp «julegate» mellom Matkroken og Talgø har etter kvart vorte ein tradisjon, og 2019 vart ikkje noko unntak i så måte. 28.november vart alle lys og lenker montert og testa. 30.november vart det arrangert «julegatetenning» med julemarknad, der lokale aktørar selde eigenproduserte varer. Dette var ein stor suksess og det var rundt 150 frammøtte på arrangementet. Grendalaget serverte gløgg og hadde loddsal. Vi fekk eit overskott på rundt 2.000,- kroner på arrangementet. «Julegata»

vart teken ned den 15.januar. Dette er og eit arrangement vi satsar på å vidareføre i åra framover, sjølv om det er mykje arbeid i førebuinga, monteringa og ikkje minst reparasjonar og vedlikehald av alt utstyret. Men heldigvis har vi Jostein som fiksar alt av reparasjonar og tilrettelegging!



Frå oppsettinga av «julegata» 28.11.2019

Campingplass på Bordholmen:

Todalen Idrettslag i samarbeid med Todalen Elveigarlag driv campingplassen på Bordholmen. Grendalaget er ikkje involvert i drifta.

Opprydding på Holmen etter Dagmar:

Dette punktet har ikkje Grendalaget gjort noko med. Rett og slett fordi vi ikkje har kompetanse på området og at dette er noko grunneigaren må ta initiativ til sjølv.

«Todalspålen»:

Ein gjeng ungdommar med Erling Talgø og Maria H. Halle i spissen har arbeidd mykje med dette spenstige prosjektet, og sjølv om dei ikkje kom heilt i mål i 2019 er det håp om at dei gjer det i 2020. Dette er eit prosjekt som ikkje ligg under Grendalaget, men har eit eige føretaksnummer. Grendalaget har bidrege litt i innhenting av informasjon og godkjenningar for prosjektet.

Folketal:

31.12.2019 viser folketeljinga vår at det er 316 innbyggjarar i Todalen skulekrins, det vil seie f.o.m. Svinvik – Kårvatn. Dette er 28 (9,7%) fleire enn på referansetidspunktet som er sett til 1.juni 2018. Dette er ei gledeleg utvikling vi håper og vil halde fram i åra framover. I tala er alle studentar med adresse Todalen tekne med, medan personar som bor på institusjon ikkje er rekna med.

	Tal pr. 01.06.2018	Prognose 31.12.2019	Tal pr. 31.12.2019	Endring ant.	Endring %
Folketal Todalen skulekrets	288	288	316	28	9,7 %
Elever ved skulen	27	26	28	2	7,7 %
Barn i barnehagen	7	5	7	2	40,0 %

Aldersfordeling:	
0-5 år	9
6-13 år	28
14-19 år	28
20-29 år	36
30-39 år	20
40-49 år	38
Over 50 år	157
SUM	316

Barnehage og skule:

Som ein ser av tabellen over er talet på ungar både ved barnehagen og ved skulen høgare enn prognosane som vart lagt til grunn så seint som i 2018. Auken er eit direkte resultat av tilflytting.

Mobildekning i Svinviktunnelen

Mobildekninga i Svinviktunnelen har vore fråverande sidan tunnelen vart opna i 2001. Vi har no vore i kontakt med Statens Vegvesen for å forhøyre oss om det er mogleg å få gjort noko med dette. Ei avklaring på dette er venta i første halvdel av februar 2020.

Til slutt:

Vi vil til slutt takke alle enkeltpersonar, lag/organisasjonar og samarbeidspartnarar som har støtta og hjelpt oss i året som har gått. Vi tykkjer vi har fått til ein god del og vi satsar på å få gjennomført endå meir i året som kjem. Til slutt i årsmeldinga ligg ein aktivitetslogg som viser ein del av det arbeidet som er gjort gjennom året.

Todalen 28.januar 2020

Styret i Todalen Grendelag

Aktivitetslogg Todalen Grendalag

- Torsdag 4.april: Årsmøte i Todalen Ungdomshus
- Tirsdag 9.april: Styremøte på Evjebakken
- Mandag 20.mai: Møte med grunneierne på Kvennset om leie av areal ved badeplassen
- Tirsdag 4.juni: Møte i prosjekt Porten til Trollheimen. Bjørn Gunnar deltok
- Tirsdag 11.juni: Styremøte ved badeplassen
- Lørdag 22.juni: Dugnad for å plassere ut toalett og søppeldunkar
- Måndag 24.juni: Dugnad for å rydde ved badeplassen og ordne strøm til toalett
- Tysdag 6.august: Styremøte ved badeplassen
- Fredag 9.august: Forberedelser til jubileumsfest for Todalen.no
- Lørdag 10.august: Komite på jubileumsfest for Todalen.no
- Søndag 11.august: Opprydding etter jubileumsfest for Todalen.no
- Tirsdag 20.august: Nedrigging av toalett. Jostein
- Tirsdag 27.august: Styremøte på Evjebakken
- Onsdag 28.august: Orientering om Todalen med Møre og Romsdal SV. Bjørn Gunnar
- Fredag 30.august: Møte med Surnadal kommune vedrørende boliger og tomter. Bjørn Gunnar
- Onsdag 4.sep.: Møte i prosjekt porten til Trollheimen. Bjørn Gunnar
- Søndag 8.sep.: Kaffe på klåppen, Bakkan, Maria
- Mandag 23.sep.: Møte i prosjekt porten til Trollheimen. Bjørn Gunnar
- Tirsdag 8.oktober: Planleggingsmøte julebord, Jostein og Bjørn Gunnar
- Mandag 28.oktober: Møte i prosjekt porten til Trollheimen
- Tirsdag 5.november: Styremøte på Evjebakken
- Tirsdag 12.nov.: Komitemøte julebord, Jostein og Bjørn Gunnar
- Lørdag 16.nov.: Reparasjon av julelys, Jostein
- Mandag 18.nov.: Reparasjon av julelys, Jostein
- Tirsdag 19.nov.: Styremøte på Talgø.
- Tirsdag 19.nov.: Komitemøte julebord, Jostein og Bjørn Gunnar

- Fredag 22.nov.: Forberedelser julebord, Maria, Jostein og Bjørn Gunnar
- Lørdag 23.nov.: Julebord, Karin, Maria, Jostein og Bjørn Gunnar
- Søndag 24.nov.: Reparasjon av julelys, Jostein
- Torsdag 28.nov.: Oppsetting av julegate, Jostein, Øystein, Bjørn Gunnar, Jo, Torkjel og Terje N.
- Torsdag 28.nov.: Oppsetting av telt til julemarked, Knut og Erling
- Fredag 29.nov.: Pakking av nissepakker, Bjørn Gunnar
- Laurdag 30.nov.: Oppsetting av julegate og rigging av julemarked, Jostein, Øystein, John, Bjørn Gunnar, Maria og Karin
- Lørdag 30.nov.: Tenning av julegate, Karin, Maria, Øystein, Jostein og Bjørn Gunnar
- Laurdag 14.des.: Reparasjon av juletre i julegaten, Jostein
-
- Laurdag 14.des.: Reparasjon julelys, Jostein og Carsten
- Onsdag 15.januar: Nedrigging av julegate, Jostein, Terje, Torkjel, Øystein, Ola, Jo, Van Adrian og Bjørn Gunnar